

Kalabushe, mosetsana yo o buang thata

Gaspah Juma
Setswana



Bogologolotala go ne go na le mosetsana a bidiwa Kalabushe. Kalabushe e ne e le mosetsana yo o buang thata. Mmagwe Kalabushe o ne a mo kgalemelela go bua thata, mme fela Kalabushe a se utlwe.





Ka letsatsi lengwe, rakgadi wa ga Kalbushe o ile a lwala. O ne a dula go tshela molapo go tswa kwa motseng wa gaabo Kalabushe.



Mmagwe Kalabushe o ne a tshwaregile thata ka letsatsi leo. Go ne go le lotlatlana fa a fa Kalabushe dijo gore a isetse rakgadi wa gagwe yo o lwalang.



Mo tseleng Kalabushe o ile a kopana
le Sinson, phiri e e kgonang go
iphetola go nna motho.

Sinson o ile a mmotsa gore o tshwere eng. Kalabushe a araba, "Nama, mae le mašwi." Mmagwe Kalabushe o mo kgalemetse gore a se bue gore o tshwere eng.





Gape Kalabushe o ile a bolelela Sinson gore rakgadi wa gagwe o a lwala ebile o mo isetsa dijo. Sinson o ile a tshimolola go rokoga mathe fa a akanya ka ga nama e Kalabushe a e tshwereng.

O ile a tabogela kwa pele ga
Kalabushe go ya kwa ga rakgadi wa
gagwe.





O ile a metsa rakgadi wa ga
Kalbushe mme a ikhupetsa ka kobo
ya gagwe.



Fa Kalabushe a goroga, ntlo e ne e
rile tuu. O ile a tsena mo gare mmea
a goa, "Rakgadi, o ko kae?"

Fa a ne a sa utlwe lentswe la rakgadiagwe, Kalabushe o ile a tsenela kwa gare ga phaposi kwa rakgadiagwe a robalang teng. O ne a makala a bona motho a khupeditswe ke kobo e kgolo.





"Rakgadi, ke eng fa ditsebele tsa gago di le dikgolo gompieno? Kalabushe a botsa.

Sinson a araba a le kwa tlase ga kobo, "Gore ke kgone go go utlwa sentle."

Kalabushe a botsa gape, "Rakgadi,
ke eng fa matlho a gago a le magolo
jaana gompieno?"

Sinson a araba, "Gore ke kgone go
go bona sentle."



La bofelo Kalabushe a botsa,
"Rakgadi ke eng fa molomo o le
mogolo jaana gompieno?"

Sinson a araba, "Gore ke kgone go
go kometsa."

Sinson o ile a tlola kwa godimo ga
bolao mme a kometsa Kalabushe.



Ka gone Kalabushe o ne a bua
thata, o ne antse a tswelletse go bua
a ntse a le mo maleng a ga Sinson.
O ne a botsa dipotso tse dintsi.



Kwa bofelong, Sinson o ne a lapisitswe ke dipotso tsa ga Kalabushe mo e leng gore o ne a mo kgwela kwa ntle.



Kalabushe le rakgadi wa gagwe ba ne ba thusiwa ke baagi ba motse. Go tloga ka letsatsi leo, Kalabushe o ne a se tihole a bua le batho ba a sa ba itseng.




Kalabushe, mosetsana yo o buang thata

Writer: Gaspah Juma

Illustration: Jesse Breytenbach

Translated By: Lorato Trok

Language: Setswana



© African Storybook Initiative, 2014



This work is licensed under a Creative Commons Attribution
(CC-BY) Version 3.0 Unported Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

Saide 
South African Institute
for Distance Education

www.africanstorybook.org
A Saide Initiative